

**SOALAN NO. 130****PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : YANG BERHORMAT TUAN HEE LOY SIAN  
[ PETALING JAYA SELATAN ]**

**SOALAN :**

**YB Tuan Hee Loy Sian [ Petaling Jaya Selatan ]** minta **PERDANA MENTERI** menyatakan cara SPR dalam menjalankan persempadanan semula yang adil dengan mematuhi Perkara 113 dan Bahagian I & II Jadual ke-13 Perlembagaan Persekutuan serta yang diperuntukkan dalam Seksyen 4 (a) Bahagian 2, Jadual ke-13 Perlembagaan Persekutuan.

**JAWAPAN: YB DATO' SRI AZALINA BINTI OTHMAN SAID,**  
**MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, selaras dengan Seksyen 4(a), Jadual Ketiga Belas, Perlembagaan Persekutuan, Suruhanjaya Pilihan Raya (SPR) menjalankan pameran terhadap setiap syor kajian semula persempadanan untuk pemeriksaan awam selama sebulan di tempat-tempat pameran, akhbar tempatan serta turut dimuat naik di laman web SPR.

Setiap bantahan yang dikemukakan telah dipertimbangkan dengan sewajarnya oleh SPR. SPR turut mendengar justifikasi dan penjelasan terperinci oleh setiap pembantah yang layak seperti dinyatakan di bawah Seksyen 5, Bahagian II, Jadual Ketiga Belas, Perlembagaan Persekutuan menerusi sesi Siasatan Tempatan. Setiap keputusan SPR adalah berlandaskan kepada prinsip-prinsip yang jelas seperti yang dinyatakan di dalam Jadual Ketiga Belas, Perlembagaan Persekutuan.

Sekian, terima kasih.

**SOALAN (131)****PEMBERITAHUAN PERTANYAAN  
DEWAN RAKYAT, MALAYSIA**

PERTANYAAN : BUKAN LISAN

DARIPADA : YB. TUAN HEE LOY SIAN  
[ PETALING JAYA SELATAN ]

**SOALAN :-**

YB. TUAN HEE LOY SIAN [ PETALING JAYA SELATAN ] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan usaha Kerajaan untuk mengatasi masalah kemiskinan bandar yang semakin meningkat terutama di Lembah Klang.

**JAWAPAN:-**

Tuan Yang di-Pertua,

Untuk makluman Ahli Yang Berhormat, Kementerian Kesejahteraan Bandar, Perumahan dan Kerajaan Tempatan (KPKT) telah melaksanakan Program Pembasmian Kemiskinan Bandar (PPKB) sejak tahun 2013. Golongan B40 merupakan kumpulan sasaran di bawah program ini bagi membantu mereka untuk keluar dari kesusahan dan hidup dengan lebih sejahtera. Program-program yang disenaraikan di bawah PPKB adalah seperti berikut:

- (i) **Program Baik Pulih Rumah Daif di Bandarbermula** dilaksanakan pada tahun 2016 bagi membantu golongan B40 di bandar untuk membaikpulih rumah.
- (ii) **Program House Built** bagi membantu membina semula rumah yang terbakar.
- (iii) **Program AZAM Bandar** bagi melatih kumpulan sasaran untuk meningkatkan kemahiran dan mengusahakan perniagaan.

- 88
- (iv) **Program Kios Penjaja Bandar** yang bermatlamat untuk membantu golongan B40 mendapatkan Kios Penjaja yang selamat dan selesa bagi membolehkan mereka menjalankan perniagaan secara kecil-kecilan seterusnya menjana pendapatan dan meningkatkan kualiti hidup; dan
  - (v) **Program Titipan Kasih (*Food Basket*)** yang memberi tumpuan kepada golongan miskin tegar membeli barang keperluan harian untuk meneruskan kelangsungan hidup.

Kementerian Kesejahteraan Bandar,  
Perumahan dan Kerajaan Tempatan

Mac 2018